

جَزَائِرَ مَحَاكِمَتِ

جمعه ایرتسی

نومرو	صقر	سنه	تموز	سنه	مخبره
۹۳۶	۲۳	۱۳۱۵	۱۲	۱۳۱۳	۱۳۲۹۳

(اشبو غزته بهر هفته جمعه ایرتسی کونلری چیقار . سنه لکی در سعادت ایچون مجیدیه یکر می فروش)
 (حسابیه التمش فروشدر . طشره لر ایچون اون بش فروش پوسته اجرتی ضم اولتور . بهر)
 (نسخه سی ینه مجیدیه یکر می فروش اولق اوزره یوز یاره یه هر یرده صاتیلور . درج اولنه جق)
 (اعلاناتک هر برندن بر مجیدیه اخذ اولتور . سنه لکنه مشتری اولق استیانتلر عدلیه نظارتی)
 (دأره سنده کأئن جریده محاکم اداره سنه مراجعت ایملیدر)

قسم خبر رسمی

دیار بکر استیناف محکمه سندن ۲۷ تموز
 سنه ۳۰۴ تاریخی و اون بر عددی ایله صادر
 اولان اعلامک تمیزی استدا ایدن ارغنی قصبه -
 سنده مقیم ابراهیم اوغلی حاصم اغا و چولحه
 اوغلی بغوص و بویاجی قصبه بار ایله تمیز علیه قصبه
 مذکورنک جامع کیر محله سی اهالی سندن
 محمد رضا زاده عثمان افندی تعیین اولتان کونده

کلدکری کی میز علیه طرفندن جواب لایحه سی
 دخی کوندردیکندن اصول محاکمه حقوقیه
 قانوننک ایک-وز یکر می طقه-وزنجی ماده سی
 موجبنجه تدقیقات تمیزی به اجرا سنه ابتدار
 اولندی .

اعلام مذکورک خلاصه مالی مومی الیه
 عثمان افندینک باکور قریه سنده واقع عهده
 تصرفنده بولتان معلوم الحدود بر قطعه عرصه سنه
 مرقومان حاصم اغا و بغوص و قصبه بار طرفلرندن
 فضولاً انشا اولتان دکانلرک هدمیه مذکور

عرصه نك كندوسنه تسليمى طلب و دعوى
ايمسنة قارشو مدعى عليهم مرقومون دخى
كندولرى اراضى مذ كوره به جانب ميوريدن شراه
باطابو متصرف بولندقلرى مدافعة درميان ايتمشلر
ايسهده محل مذ كورك مدعينك تحت تملككنده
اولدينى حالده اوزرينه ابنيه انشاسيله هيئت
حاضره سى چارشو شكلنى آله رق اراضينك
قيمتى بش بىك وابنيه نك قيمتى طقوز بىك بشيوز
التمش التى غروشدن عبارت اولدينى اولبايده
اجرا قلنان كشف و تحقيقات واستماع اولنان
شهودك شهادتلىله ثابت اولمسنة بناء مجله نك
طقوز يوز التنجى ماده سنه توفيقاً مدعى عليهم
مرقومونك محل مذ كوره منع مداخله سنه دائر
بداية صادر اولان اعلامك عند الاستيناف
تصديقنه قرار ويرلديكندن ومستدعيلرك اشبو
اعلام عليهنده لايحه سنهده محرر باشلوجه
اعتراضلى عندالحاكمه درميان ايتمش اولدقلى
اعتراضاتك تدقيق واسباب موجهه سى ارائه
اولنيمه رق رد ايدلمسى مغاير قانون اولديفندن
بجمله اعلامك نقضى استدعاسندن عبارت
بولمشدر.

ايجابى مذاكره اولندقده اعلام مذكور
مندرجاتندن منفهم اولدينى اوزره طرفين بيننده

منازع فيه اولان عرصه نك تعيين نوعى ضمتده
تدقيقات لازمه اجراسيله اراضى ميريه دن اولدينى
حالده اراضى مأمورينك حضوريله اجراى محاكمه
ايدلمسى لازم كلوركى بدایت محكمه سنجه بورانك
نظردفته آلتماسندن طولاي عندالاستيناف
حكم ابتدائينك فسغى لازمه دن بولمش ايكن
محكمه مذ كوره جه بو جهته دقت اولنفسزين و
مستأفلى طرفندن عندالاستيناف درميان اولنان
اعتراضاتك دخى يكان يكان بالتدقيق اسباب
موجهه سى كوسترلكسزين ردى ايله حكم مذ كورك
تصديقى طرفنه كيدلمسى مغاير قانون اولديفنه
بناء اصول محاكمه حقوقه قانونك ايكي يوز اوتوز
ايكنجى وايكي يوز قرق برنجى ماده لرى موجبنجه
اعلام مذ كورك نقضيله قانون مز بورك ايكي يوز
قرق در دنجى ماده سى حكمه توفيقاً كيفيتك يكيكن
بالرؤيه اعلامه ربطى ضمتده محكمه مذ كوره به
اعاده سنه وزيرده مفرداتى مرقم در تيوز اللى
بجق غروش مصارف محاكمه نك ايلروده حقنز
چيقه جق طرفه عائد اولق اوزره اول امرده
مستدعيلردن آلتمسنة ۲۲ تموز سنه ۳۰۹
تاريخنده متفقاً قرار وبريله رك تفهيم قلندى.



يوزغاد بدایت محكمه سنندن استينافاً و ۲۳
شباط سنه ۳۰۶ تاريخى ويوز اللى دوت عددى
ايله ويريلان اعلامك تعيينى استدعا ايدن چورمك
شيخ ايوب محله سنه ساكن ولى الدين پاشا
وكيل سعادتك كلوب مدعى عليهم چورمده مقيم
عثمان ويوز باشى مصطفى اغالر يوم معينده دائره به
كلذكركى كى جواب لايحه سى دخى كوندردمذكركندن
يالكز وكيل مومى اليهك ايضاحات شفاهيه سى
استماع قلندقدنصكره تدقيقات تميزيه اجراسنه
ابتدار اولندى.

اعلام مذ كورك خلاصه مالى مرقوم عثمانك
برادري عبد اللهك بردن چفيلك ذكرماننده
متصرف اولدينى سنهده يكرمى التى كونلك
حصه سنى مومى اليه ولى الدين پاشايه بدل معلوم
مقابلنده فراغ ايلمش ايسهده كندوسنك خليط
وشريك بولنق حسيله بحسب الشفعه حصه مذكو
رونك عهدده سنه تسليمى طلب ودعوى ايتمش
ايسهده مرقوم عثمانك حصه مذ كوره ني آلمقندن
استدكاف ايلديكى شهادتله ثابت اولديفندن حصه
مذ كورمك ولى الدين پاشايه تسليمه و مرقوم
عثمانك بشقه ذكر اولنان حصه سى شريك اولنلرك
بش سنه ده دكين بدل مثليه پاشاي مومى اليهكندن

آلتقه صلاحيتلى اوله بيلمسنة دائر چورم بدایت
محكمه سنندن صادر اولان حكمه مرقوم عثمان
اغا جانندن اقامه اولنان استيناف دعواسنك اثنای
محاكمه سنهده شخص ثالث صفتيله يوز باشى مصطفى
اغا دخى داخل دعوى اولندقدنصكره اجرا قلنان
محاکمات و تدقيقات استينافيه نتيجه سنهده پاشاي
مومى اليهك ذكر اولنان حصه سى مرقوم عبداللهكندن
اشترا ايلديكنه دائر محله سى تنظيمى اقتضا ايدن
ماين سندينى ابراز ايدمهديكى كى مستأف مرقوم
عثمانك مذ كور ذكرماننده خليط وشريك اولديفندن
برادري عبداللهك حصه سنى آخره فروخت ايمسنة
قطعياً راضى اوليويوب ميسايه به حاضر اولدينى
حاوى ايكي كون صكره استدعا تقديميله طلب و
دعوى ودعواسنى تعقيب ايلديكى اوراق رسميه
موجوده مندرجاتندن اكلاشلمش وبوجهت
پاشاي مومى اليهك وكيل سابقى احمدافندى
طرفندن دخى عندالحاكمه تصديق قلنمش اولمسيله
مرقومك استدكافى حقنده كى محله علم وخبرى و
اولبايده اقامه اولنان شهودك افاده واخبارلى
كلياً حكمسز قالمسنة وپاشاي مومى اليه بركونا
قوجان واحتجاجه صالح اولان اوراق وسائر
ارائه ايدميهرك اولبايده كى ادعاسى قول مجردنده
قالوب حصه دارلرندن مؤخرأ وفات ايدن محمد

دعوا الرنده تناقض بولنشيكن بروجہ محرر حکم
اولنشی مغایر قانون اولدیغندن بحثله اعلام
مذکورک نقضی استدعاسندن عبارت بولنشد.

ایجابی لدی المذاکره اعلام مذکور مآلندن
مستبان اولدینی اوزره منازع فیہ اولان دکرمان
حصه سی اراضی امیریه اوزرینه مبنی ملک دکرمان
اولسنه کوره حصه مذکورہ حقنہ اراضی قانون
نامہ سنہ توفیق معاملہ اولنه میوب املاک صرف
مثلاًو بحله احکامنه توفیقاً اجرای معاملہ اولنقی
ایجاب ایدہ جکنه نظراً شخص ثالث مصطفی اغانک
تصدی ایلدیکی شرا دعواسک مجرد مأموری
حضورنده تقرب و فراغی اجرا اولنمیشدن دولایی
ردینہ حکم اولنشی بولسز و اصول و قانونه مغایر
بولنمش اولدیغندن اصول محاکمه حقوقیه قانوننک
ایکی یوز قرق برنجی ماده سی موجبجه اعلام
مذکورک نقضیه قانون من بورك ایکیوز قرق
درنجی ماده سی حکمنه توفیقاً کیفیتک یکیدن
بالرؤیه اعلامه ربطی ضمننده محکمه مرقومه
اعاده سنه و زيرده مفرداتی مرقم درت یوز
اوتوز طقوز بچق غروش مصارف تمیزیه نک ایلروده
حقسز چیقہ جق طرفه رجوع ایتک اوزره اول
امرده مستدعی تمیزدن النسنه ۱۶ کانون اول

علینک حصه شایه سی دیگر ورثه میاننده توزیع
و تقسیم ایلدییه رک سهام مذکورہ بر حال مجهولیتده
بولنمش ایکن واقع اولان بیع و شرا معاملہ سنک
صحیح اوله میه جفی و بلا صاحب ارض فراغک
معتبر و مقبول اولیوب خلیطک بش سنه یه قدر
بدل منلیله حصه مذکورہ فی المغه قانوناً حق و
صلاحیتی اوله جفی جهتله مستأ نف مرقوم
عثمانک حصه مذکورہ یه استحقاقی تبین ایتمش
اولسنه بناء پاشای مومی الیهک مرقوم عبداللہ
ویرمش اولدینی اون سکز لیراسنہ خلل کلامک
اوزره حصه مذکورہ یه وقوعبولان مداخله سنک
منعنه و شخص ثالث اولان یوز باشی مصطفی اغا
حصه مذکورہ یه یکرمی سکز لیرایه صاتون
آلدینی بیانیه بر قطعه میانه سندی ابراز ایتمش
ایسه ده معاملہ فراغیه نک اجراسیله رسمی قوچانه
ربط ایلدیله مدیکندن دولایی ادعای واقع نظر
قانونده شایان قبول کوریلہ مدیکندن ردیلہ حصه
مذکورہ نک مرقوم عثمانه تسلیمنه حکمدن و
مستدعی تمیز ولی الدین پاشا وکیلی سعاد بکک
باشلوجه اعتراضی مستأنفک استیناف دعواسی
بولسز ایکن قبول ایلدسی و یوز باشی مصطفی اغانک
موکلنه خصومتی غیر متوجه اولدینی حالده بوراسنہ
دخی دقت اولنماسی و عثمان و مصطفی اغانک

سنه ۳۰۹ تاریخنده متفقاً قرار ویریلرک تفهیم
قلندی .

کره بنه بدایت محکمه سندن تجارت صفی
و ۱۲ شباط سنه ۳۰۷ تاریخی و یتمش بش
عددی ایلہ صادر اولان اعلامک تمیزی استدا
ایدن کره بنه قصبه سنک قورلو محله سنده مقيم
تمنو و والا ایلہ مدعی علیه قصبه مذکورہ یه تابع
سرسین کیر قریه سنده ساکن چفتچی حسن اغا
یوم معینده دائره یه کمدکنرندن باش مدعی عمو .
میلک مأموریت علیه سنک مطالعه نامه سی آلدقندن
صکره اصول محاکمه حقوقیه قانوننک ایکی یوز
یکرمی طقوزنجی ماده سی موجبجه تدقیقات
تمیزیه اجراسنہ ابتدار اولندی .

اعلام مذکورک خلاصه مالی مرقوم حسن
اغانک من بور تمنو ذمتنده امره محرر بر قطعه
سندن موجبجه یکرمی بر و درت سنه لک باغ
بدل ایجارندن درت لیرا که جمعاً یکرمی بش لیرا

مطلوبنک مع فائض تحصیلی حقنہ اقامه ایلدیکی
دعوا یه قارشو مدعی علیه تمنو مبلغ مدعا یه مقابل
نقداً و بدلات معلومه اوزره بعض اشیا عیناً
تسلیم ایدوب بونلرک تنزیلیله متباقی بورجی
تأدییه حاضر اولدیغنی مدافعه درمیان ایتمش
ایسه ده تسلیات مذکورہ محاسبه سنک رؤیتیه
مبلغ متباقینک مبرزه سنده ربط اولدیغنی مدعی
حسن اغانک بیان و افاده ایلہ اثبات مدعا دخی
اظهار عجز ایتسی اوزرینه تکلیف اولسان یینی
اجرادن مرقوم تمنونک نکول ایلمش اولسنه
مبنی بحله نک بیک التي یوز اوتوز ایکنجه ماده سی
موجبجه مبلغ مذکورک مع فائض مرقومدن
تحصیلیله مدعی حسن اغایه اعطاسنہ حکمدن
و مستدعینک اشو اعلام علیه ده لایحه سندنه
اعتراضاتک خلاصه سی طرفین زراعندن اولدقیری
حالده دعوانک تجارت محکمه سنده رؤیتی وظیفه
خارجنده اولدیغندن بحثله اعلامک نقضی استدا .
سندن و مدعی علیه لایحه سندنه محرر نتیجه
جوابی دعوا ی واقعه نک مستند اولدینی سندن
امرہ محرر اولدینی جهتله تجارت محکمه سنجیه
رؤیتی حکم قانون اقتضاسندن بولنمله اعتراضات
مسروده نک ردی و اصول و قانونه موافق اولان
اعلامک تصدیقی طلبندن و مار البیان مطالعه نامه

مالی دخی منازع فيه اولان سندن امره محرر اولغله بوندن متولد دعوانك محكمه تجارتيه رؤيتي احكام قانونيه اقتضاسندن اولوب انجني سنده مربوط اوليان بدل ايجار دعواسنك معاملات تجاريه دن اولديغنه مبنی بوجهت حقنده کی مضبطه اعتراضك موافق قانون اولديني بيانندن عبارت بولمشد.

ايجابي لدى المذاكره تمیزی طلب اولسان اعلام مندرجانندن مستبان اولديني اوزره مستند ادعا اولان سندن هر تقدیر امره محرر ایسه ده فائض مقاوله سنی حاوی اوله رق تعریف قانونی به موافق صورتده تنظیم قلمامش اولسنه نظراً سندات عادیه حکمنده بولنديني و طرفین متخاصمینك دخی صفت تجاریه بی حائز اولدقلری جهته سند مذکور دن متولد دعوانك حقوق عادیه صفتيله رؤیت و فصل اولغسی لازم کله چکی کبی دعوی واقعنه بر قسمی بدل ايجاره متعلق و بوجهته متدائر ادعائك ایسه مار البیان مطالعه نامه نك فقره اخیره سنده دخی بسط و بیان اولنديني اوزره صرف حقوق عادیه دن بولنديني حالده محكمه جه بورالری نظر دقت و اعتنايه آلمیه رق هرايکی جهت حقنده کی ادعائك تجارت صفتيله

رؤیت ایدلسی وظیفه خارجنده اوله رق قانونه مغایر و مستدعینك اعتراضی دخی موافق نفس الامر کورنديکنه بناء اصول محاکمه حقوقیه قانونك ايكوز اوتوز ايکنجی ماده سی موجبجه اعلام مذکورك نقضيله قانون من بورك ايکی يوز در دنجی ماده سی حکمنه توفيقاً كيفيتك صورت مشروحه دائره سنده يکيدن بالرؤيه اعلامه ربطی ضمنتده محكمه مذکوریه اعاده سنه و زيرده مفرداتی مرقم درت يوز درت بچق غروش مصارف تمیزیه نك ایلروده حقسز چيقه حق طرفه رجوع ايتك اوزره اول امرده مستدعی نمودن آلمسته ۶ تشرين اول سنه ۳۰۹ تاريخنده متفقاً قرار ویرلدی.

طاشلیجه بدایت محكمه سندن ۹ مارت سنه ۳۰۸ تاریخی و برعدی ایله استینافاً ویریلان اعلامك تمیزیخی استدعا ایدن پره بول قصبه سنده مقیم استرلو بك ابراهيم حق افندی ایله مدعی علیها

قصبه مذکورده ساکنه متوفی حاجی عثمان بك زوجه سی وایتامی و صیدی عزته خاتم يوم معینده دائره به کلدکارندن باش مدعی عموميلك مأموریت علیه سنك مطالعه نامه سی آلدقدنصکره اصول محاکمه حقوقیه قانونك ايکی يوز يکرمی طقوزنجی ماده سی موجبجه تدقیقات تمیزیه اجراسنه ابتدار اولندی.

اعلام مذکورك خلاصه مالی من بوره غرته خاتونك و صیلری اولديني صغیر مخدومی عثمان و صغیره قزی نائیکه نیه پدرلری متوفی حاجی عثمان بکدن ارتنا انتقال ایدن خراشو قریه سنده کائن معلوم الحدود مرعانی مومی ایله ابراهيم افندی فضولاً ضبط و تصرف ایتکده اولديغندن بختله کف یدی حقنده من بوره عزته خانمك پره بول قضای بدایت محكمه سنه بالوصایه اقامه ایلدیکی دعوی اوزرینه جریان ایدن محاکمات و تدقیقات نتیجه سنده منازع فيه اراضی به مومی ایله ابراهيم افندی جانب حکومتدن و اراضی حالیه دن اوله رق بدل معلوم مقابلنده اشترا ایتدیکی و برکسنه نك تحت تصرفنده بولنان مدعا دن اولديني اولابده کی مبرز طابو سندی علم و خبری مندرجاتيله متحقق اولديغنه و مدعیه من بوره عزته خانمك اقامه

ایلدیکی شهود ایسه سماعه متدائر اولوب شایان قبول اولديني و دیگر صورتله اثبات مدعا ایده - مامکله برابر طالب تحلیف دخی اولديغندن مجله نك بيک التیوز سکسان سکزنجی و بيک یدی يوز قرق سکزنجی و بيک سکزن يوز اون طقوزنجی ماده لری موجبجه مدعیه من بوره نك دعوی واقع سنك رديله بر موجب سند خاقانی مومی ایله ابراهيم افنديك اراضی منازع فيه نك کشفی حقنده واقع اولان طلبينك ردی قرار کیر اولدقدن صکره لاجل المحاکمه يوم معینده مستأنف علیه افنديك اجابت ایتامسی اوزرینه محكمه جه محافظه حقوقی ضمنتده تعیین قلنان و کیل مسخر حضوريله جریان ایدن محاکمات و تدقیقات استینا - فيه نتیجه سنده اراضی منازع فيه مذکور خراشو قریه سی حیواناتك رعینه مخصوص مرعی اولديغنی سرأ و علناً لدى التزکيه عدل و مقبول الشهاده اولدقلری تبیین ایدن شهودك شهادت واقع لرینك محقق ایتمش اولديغندن اراضی قانوننامه هایوننك طقسان بدنجی ماده سی حکمنه توفيقاً اراضی مذکور نك فن حیواناتك رعینه مخصوص مرعا اوله رق ابقا اولغی اوزره مستأنف علیه ابراهيم افنديك واقع اولان تصرف و مداخله سنك منعنه غیباً

آلتش اولسنه مبنی اعتراضات واقعه نك موافق
قانون اولدینی بیانندن عبارت بولمشد.

ایجابی مذاکره اولدقدہ اعلام مذکور
مطالعہ سندن آکلاشلدینی اوزره دعویٰ مبحث
شخصین بینده جریان اتمکده اولدینی حالده
عندالاستیناف حکم محکمه عموم برقریه اهالیسنه
حائده صرعی دعوالرینه دائر اولان مواد قانونیه
تطبیق حکم ایدلمش اولمی و انشای محاکمه
حاضر بولندیریلان اراضی مأمورینک استماعی
لزومنه دائر قید قانون اولدینی حالده مأمور
مومی الیهک مطالعه سنک قانونه مغایر اولدینه
ومعاون مومی الیهک اعلامک تقضی حقدکی
مطالعہ سی موافق نفس الامر بولندیقہ بناء
اصول محاکمه حقوقیه قانوننک ایکی یوز قرق
برنجی ماده سی موجبجه اعلام مذکورک تقضیه
قانون مذکورک ایکی یوز قرق دردنجی ماده سی
حکمنه توفیقاً کیفیتک یکیدن بالرؤیه اعلامه ربطی
ضمننده محکمه مذکوریه اعاده سنه وزیرده
مفرداتی مرقم درت یوز طقسان بحق غروش
مصارف تمیزیه نك ایلروده حقسز جیفه حق
طرفه رجوع ایتک اوزره اول امرده مستدعی

حکمدن ومستدعی تمیز ابراهیم افندی نك اشبو
حکم علیهنده لایحه سنده محرر اعتراضاتنک
خلاصه سی منازع فیه اراضینک قیمتی اوچوز
غروشیدن عبارت اولوب بونک ایراد سنویسی
جزوی اوله رق قابل استیناف دکل ایکن دعوی
واقعه نك عمومه حائده صرعی دعواسی اولدینسه
ذهابله استینافاً رؤیت ایدلمی ودرجه اولی محکمه
سنده مدعیه جز بوره نك اقامه ایتش اولدینی
شاهد لرندن بشقه شاهدهی اولدینی افاده
ایتمشکن استیناف محکمه سنجه بتکرار شاهد
استماعه مساعدده ایدلمی یولسز و مغایر قانون
اولدینندن بختله اعلامک تقضی استدعاسندن
ومدعی علیها عزته خاتمک لایحه سنده محرر نتیجه
اجوبه سی دخی اعتراضا مسروده نك واهی
وبی اساس اولدینی بیانیه ردی و موافق اصول
وقانون اولان اعلامک تصدیقی طلبندن و مطالعه
نامه مالی دخی دعوی واقعه شخصین بینده
جریان اتمکده اولدینی حالده عموم برقریه
اهالیسنه حائده صرعا دعوالرینه دائر احکام قانونیه
تطبیق کیفیت ایدلمش و اراضی مأمورینک انشای
محاکمه ده حضوری شروط قانونیه دن ایسه ده
مطالعہ لرینک استماعی لزومنه دائر قید قانون
اولدینی حالده مأمور مومی الیهک مطالعه سی

مومی الیه ابراهیم افندی نك السنه ۱۸ تموز
سنه ۳۱۰ تاریخنده متفقاً قرار ویرلدی.

کوربجه تجارت محکمه سندن ۱۰ کانون اول
سنه ۳۰۸ تاریخی و قرق عددی ایله ویریلان
اعلامک تمیزینی استدعا ایدن کوربجه قضاسنه
تابع اوبار ناحیه سنه مضاف ماریان قریه سنده
مقیم کوفه قوله ایله مدعی علیه کوربجه نك
واروش پارچه محله سنده ساکن پاپاسو طیر بوم
معینده دائره یه کلدکلرندن اصول محاکمه حقوقیه
قانوننک ایکی یوز یکرمی طقوزنجی ماده سی
موجبجه تدقیقات تمیزیه اجراسنه ابتدار
اولندی.

اعلام مذکورک خلاصه مالی مزبور پاپا-
سو طیرک امره محرر بر قطعه سند موجبجه
مرقوم کوفه قوله کفالتیه استفقان یورکی ذمتنده
الاجنی اولان اتی یوز سکسان اتی بحق غروشک

بحسب الکفاله مرقوم کوفه قوله دن تخصیصی
طلب ودعوی و مذکور سندی ابراز واعطای
ایتمی اوزرینه لاجل الحاکمه وقوعه بولان دعوته
مدعی علیه مرقوم کوفه قوله اجابت ایتدیکنندن
مدیون مرقوم استفقان یورکی دخی داخل دعوی
ایدله مدیکی کفیل مرقومک غیابنده وکیل
مسخر تعینیه جریان ایدن محاکمه و تدقیقات
نتیجه سنده مدیون مرقوم استفقان یورکی بوبابده
واقع اولان تسلیات ادعاسی اصولی دائره سنده
اثبات ایده مدیکی کبی مدعینک امر تحلیفاری
اجراسی ضمننده متره بولید خانه یه دخی کیتامش
اولدینی مبعوث تذکره جوابیه ده اشعار قلنمغله
برابر شو وجهله خصمک تحلیفی اجرا ایتدیر مدیکی
اکلاشلمش اولدینندن بر موجب سند مبلغ مذ-
کورک مع فائض بالغ اولدینی طقوز یوز الی سکر
غروشک کفالتی حسبیه مرقوم کوفه قوله دن
تخصیصه غیاباً حکمدن ومستدعی تمیز کوفه قوله نك
اشبو حکم علیهنده لایحه سنده محرر اعتراضاتنک
خلاصه سی کندوسنک کفالتی شرطه معلق اولدینی
کبی اصل مدیون انشای محاکمه ده دخی حاضر
اولدینی حالده کندوسنک محکوم ایدلمی یولسز
و مغایر قانون اولدینندن بختله اعلامک تقضی
استدعاسندن ومدعی علیه پاپا سو طیرک لایحه سنده

محرر نتیجه جواب دخی اعتراضات مسروده
واهی اولدینی بیانیله ردی و موافق اصول
وقانون اولان اعلامک تصدیق طلبندن عبارت
بولنمدر .

ایجابی مذاکره اولندقدده اعلام مذکور
مطالعه سندن اگلاشالیدینی اوزره مستند حکم
اولان هر تقدیر امره محرر ایسهده مندر جاننده
فائض مقاوله سی اولدینی و بوایه اصول محاکمه
تجارت قانونک یوز قرق بشنجه ماده سنده
تعریف و توصیفی اولدینی وجهله بین التجار
تداول ایدر سندات ممتازدهدن معدود اولیوب
عادی سند حکمنده بولندینی جهتله دعوی
مباحث عنهانک حقوق عادیه محکمه سنده رؤیتی
لازم کلور ایکن خارج ازوظیفه تجارت محکمه .
سنده فصل وحسم اولسی یولسر و مغایر قانون
اولدیفنه بناء اصول محاکمه حقوقه قانونک
ایکی یوز قرق برنجی ماده سی موجبجه اعلام
مذکورک نقضیه قانون مذکورک ایکی یوز قرق
اوجنجه ماده سی حکمنه توفیق کیفیتک عائد اولدینی
محلی حقوق محکمه سنده حواله سنده وزیرده مفرداتی
مرقم درت یوز طقوز بچق غروش مصارف
تمیزیه نک ایلروده حقسز حقیقه جق طرفه رجوع

ایتمک اوزره اول امرده مستدعی مرقوم کوفندن
المنسنة ۱۴ نیسان سنه ۳۱۰ تاریخده متفقاً
قرار ویرلدی .

اقتضای بدایت محکمه سندن ۲۸ حزیران
سنه ۳۰۹ تاریخی ویکرمی برعددی ایله ویریلان
اعلامک تمیزینی استندا ایدن ایشهر قصبه سک
کپله جی محله سی اهالیسندن تللی اوغلی حاجی احمد
افندی یوم معینده دائریه کلوب مدعی علیه
قصبه مزبورده نقاش محله سنده ساکن ساعتی محمد
افندینک ورود ایتماش اولسیله یالکز مستدعی
من بورك ایضاحات شفاهی سی استماع اولندقدن
صکره تدقیقات تمیزیه اجراسنه ابتدار قلندی .

اعلام مذکورک خلاصه مالی مومی الیه حاجی
احمد افندینک من بور ساعتی محمد افندی امریه
بش بش اوغلنه اعطا ایلدیکی اوجیک طقوز یوز
کسور غروشک تحصیلی حکمنی متضمن ایشهر

ومدعی علیهک لایحه سنده محرر نتیجه جوابی
دخی اعتراض مذکورک غیر وارد اولدینی بیانیله
ردی و موافق قانون اولان اعلامک تصدیق
طلبندن عبارت بولنمدر .

ایجابی مذاکره اولندقدده اعلام مذکور
مألندن مستفاد اولدینی اوزره مدعی مرقوم
حاجی احمد افندی طرفندن اثبات مدعا ضمننده
اقامه اولنان شاهدلر حقننده مدعی علیه محمد افندی
جانبندن بوکونه اسباب موجب قانونیه سرد
ایدلکسزین مدعی علیه مرقومک شاهدلرک قبول
ایتم دیمسی اوزرینه شاهدلرک قبول ایدلماسی
ودیکر شاهد اقامه سیچون مدعی من بور طرفندن
برمهمل مناسب طلب ایدلدیکی حالده طلب واقعک
موافق قانون اولوب اولدینی حقننده دخی اسباب
موجبه کوسترلیماسی و اثبات مدعا ایچون مدعی
من بورك ابراز ایله یکی علم و خبرلرک ثبوت مدعایه
کافی اولوب اولدینی بالتدقیق عیناً و یا خلاصه
تمیز اولنان اعلامه درج و تعمیق قلماسی یولسر
وقانونه مغایر اولدیفنه بناء اصول محاکمه حقوقه
قانون موقتک ایکی یوز اوتوز ایکنجی وایکی یوز
قرق برنجی ماده لری موجبجه اعلام مذکورک
نقضیه قانون من بورك ایکی یوز قرق دردنجه

بدایت محکمه سندن مقدما صادر اولان اعلام
اسباب قانونیه دن طولانی تمیزاً نقض و اعاده
قلمسی اوزرینه محکمه مذکورده جه بتکرار اجرا
اولنان محاکمه و تدقیقات نتیجه سنده مدعی من بورك
مبلغ مدعا بهی محمد افندی امریه بش بش اوغلنه
اعطا ایتدیکنی اثبات ضمننده اقامه اولنان
شاهدلرک قبول اولنماسیله بوبایدده طلبیه
مدعی علیه محمد افندینک امر تحلیفی اجرا قلمش
اولدیفندن مرقوم حاجی احمد افندینک محمد افندی به
معارضه دن منعه و مدعی علیه محمد افندینک
مقبوض اولدینی اعتراف اولنان بیک ایکی یوز
کسور غروشک حاجی احمد افندینک مرقوم اولدینی
درت لیرا ایله ایکی یوز سکسان طقوز غروش
مصارف محاکمه که جمعا یدیی یوز یکرمی برغروشک
اجرای محسوبیه متبای بش یوز غروشک محمد
افندیدن تحصیلنه حکمدن و مستدعی تمیزک اشبو
اعلام علیه نده کی اعتراضاتک باشلوجه سی اثبات
مدعا ضمننده اقامه و استماع اولنان شاهدلری
خصمی مرقومک عدم قبولنه دائر اسباب موجب
قانونیه بیان ایدلمک لازم کلور ایکن محکمه مرقوم
مهجه بوراسنه دقت اولنیه رق بلاطلب خصمنک
تحلیفیه برمنوال محرر حکم اولنسی مغایر قانون
اولدیفندن بخله اعلام مذکورک نقضی استنداسندن

ماده سی حکمته توفیقاً کیفیتك صور مشروحه
دائرہ سنده یکیدن بالرؤیه اعلامه ربطی ضمننده
محکمه مذکوریه اعاده سنه وزیرده مفرداتی مرقم
اوج یوز اون درت بچق غروش مصارف محاکمه
نك ایلروده حقسز چیه جق طرفه رجوع ایتك
اوزره اول امرده مستدعی تمیزدن آلمسنه
۱۳ کانون اول سنه ۳۰۱ تاریخده متفقاً قرار
ویریلرک تفهیم قلندی .



اشقودره بدایت محکمه سندن ۲۴ اغستوس
سنه ۳۰۹ تاریخی و طقسان درت عددی ایله
تمیزی استدا ایدن تیرانك علی بك محله سنده
مقیم اسلام اغا ایله مدعی علیه اشقودره نك روس
صغیر محله سنده مقیم عمر اغامانی یوم معینده دائره یه
ککدکلرندن اصول محاکمه حقوقیه قانوننك ایکی
یوز یکر می طقوزنجی ماده سی موجبجه تدقیقات
تمیزیه اجر اسنه ایتدار اولندی .

اعلام مذکورك خلاصه مالی مرقوم عمر
اغانك اسلام اغا وسائر ایله مشترکاً تحت التزاه
ملرنده بولسان اشقودره صید ماهی رسومندن
دولایی مزبور اسلام اغایه عائد حصه ضرر
ایچون کفالتی حسبیلہ اشقودره دیون عمومیه
اداره سنه تسویه وایضا ایلدیکی اون بیک التي
یوز غروشك مع قائلن تحصیلنی طلب ودعوی
واداره مذکورنك چند قطعه علم و خبری ابراز
واعطا ایتسنه قارشو مرقوم اسلام اغا دخی مبلغ
مدعابه شرکندن منبعث اولوب بومقوله دعوالرک
رؤیت محاسبیه محتاج اولدیفنی مدافعه درمیان
ایلمسی اوزرینه رؤیت محاسبیه جهتنك مخبرلره
حواله سیله اولبابده ویریلان راپور ایله محاکمه نك
بردرجه یه قدر وجاهاً اجر اسندن صکره اخیراً
یوم معینده اسلام اغانك عدم اجابتیه مبنی وکیل
مسخر حضور یله جریان ایدن محاکمه و تدقیقات
نتیجه سنده مرقوم عمر اغامانينك حسب الکفاله
دیون عمومیه اداره سنه اون ایکی بیک یدی یوز
غروش تسلیم ایلدیکی مبرز علم و خبر و مخبرلر
جانبندن ویریلان راپور مندرجاتیله تحقیق ایتدیکنه
مبنی محله نك بیک سکز یوز اون سکزنجی ماده -
سی موجبجه مبلغ مزبورك اسلام اغادن تحصیلنه
حکمدن و مستدعی تمیز اسلام اغانك اشبو

حکم علیهنده کی اعتراضاتك باشلوجیه سی تعیین
قلنان مخبرلر جانبندن ویریلان راپورده طرفینك
افاده و مدافعه لری و ابراز اولنان اوراق ماللرینك
نه دن عبارت اولدیفنی و رؤیت اولنان محاسبیه نك
مستنداهی بولنان دفتر کیمك طرفندن مصدق
بولندیفنی تدقیق ایدلماسی و مبلغ مزبور اون
بیک التي یوز غروش اولمق اوزره ادعا اولنمش
ایکن محکمه نك مخبرلر جانبندن ویریلان راپوره
استناداً اون ایکی بیک یدی یوز غروشیه حکم
ایلمسی صورت دعوا یه مخالف و اصول و قانونه
مغایر بولنمش اولدیفنندن بخله اعلامك تقضی
استداسندن و مدعی علیه عمر اغامانينك نتیجه
جوابی دخی حکم واقع موافق اصول و قانون
بولندیفنه بناءً اعتراضات واقعه نك رد یله اعلام
مذکورك تصدیق طلبندن عبارت بولنمشدر .

ایجابی مذاکره اولندقدہ اعلام مذکور
مندرجاتندن منفهم اولدیفنی اوزره مرقوم عمر
اغانك اسلام اغایه اولان کفالتندن دولایی دیون
عمومیه اداره سنه اون ایکی بیک یدی یوز غروش
تأدیہ ایلدیکی مبرز علم و خبردن و مخبرلر جانبندن
ویریلان راپور مندرجاتیله تحقیق ایلدیکنندن مبلغ
مذکورك مزبور اسلام اغادن تحصیلنه محکمه جیه

شرکت محاسبه سی بینہ سی اولمق اوزره اون ایکی
بیک یدی یوز غروشیه حکم ایدلمسی صورت
دعوا یه مخالف و مغایر اصول و قانون بولندیفنه
و مستدعی تمیز اسلام اغانك بوبابده اولان اعتراض
ضاتی بوجهته متدائر اوله رق موافق نفس الامر
کورنمش اولدیفنه بناءً اصول محاکمه حقوقیه
قانوننك ایکی یوز او تویاکنجی ماده سی موجبجه
اعلام مذکورك تقضیه قانون مذکورك ایکی یوز
قرق دردنجی ماده سی حکمته توفیقاً کیفیتك
یکیدن بالرؤیه اعلامه ربطی ضمننده محکمه مذکوریه
اعاده سنه وزیرده مفرداتی مرقم درت یوز طقوز
بچق غروش مصارف تمیزیه نك ایلروده حقسز
چیه جق طرفه رجوع ایتك اوزره اول امرده
مستدعیدن آلمسنه ۱۲ تشرین اول سنه ۳۱۰
تاریخده متفقاً قرار ویرلدی .



کوربجه تجارت محکمه سندن ۲۵ اغستوس
سنه ۳۰۹ تاریخی و ایکی عددی ایله ویریلان

اعلامك تميزي استدايدن درسعادته طاوق
پازارنده اشكبه جي دكاننده مقيم لازار طولي
يوم معينده دائريه گلش ايسده مدعى عليه
كوريجيه قصبه سنده ساكن پاپاسو طيري لازاري
كديكي كې جواب لايحه سنى دخى كوندروماش
اولديغندن مستدعى مرقومك ايضاحات شفاهيه -
سيله باش مدعى عمومى معاونلرندن سعادتلو بورغاكي
افنديك مطالعه سى استماع قلندقدنصكره تدقيقات
تميزيه اجراسنه ابتدار اولندى .

اعلام مذكورك خلاصه مالى مرقوم بابا -
سوطيري لازاري طولى ذمتنده مطلوبى اولان
مع فائض اوچ بىك طقوز يوزاوتوز التى غروشك
تخصيلنه دائر كوريجيه تجارت محكمه سندن استحصا
ايلديكي اعلام غياني عليهنده من بور لازار طرفندن
اعتراض على الحكم عرضحالى اعطا اولمش ايسده
لاجل المحاكمه وقوعبولان دعوتو معترض مرقوم
طرفندن اجابت اولنديغندن اصول محاكمه حقوقيه
قانوننك يوزاللى طقوزنجى ماده سى حكمه توفيقاً
معترض من بور لازارك اولبايدهكى اعتراض على -
الحكم عرضحالك ردينه حكمن و مستدعى تميز
لازار طولينك اشبو حكم عليهندهكى اعتراضاتك
خلاصه سى محكوم اولدينى مبلغ متوفى پدرينك

دينى اولوب عادى سنده مربوط اولدينى طرفين
دخى صفت تجاريه يى حائر اولدينى حالده كوريجيه
تجارت محكمه سمنجه دعواى مباحوث عنهانك
وظيفه خارجنده رؤيت اولمشى يولسز ومغار
قانون اولديغندن بمثلله اعلامك نقضى استداسندن
ومعاون موسى اليهك مطالعه سى دخى اعلام
ابتدائيه اولبايده سرد اعتراض اولديغه دائر
صراحت اولدينى كې حكم واقع دخى اعتراض
استداسنك ردينه منحصر اوله رق ذات دعوى
حقنده بركونه ذكر وقيد اولديغنه وعندالتميز
بوكا دائر تحقيقات اجراسنه قاعده ممكن اولديغه
مبنى وظيفه حقندهكى اعتراضك موافق قانون
كوريله مديكى بيانندن عبارت بولمشدر .

ايجابى مذاكره اولندقدن اعلام مذكور
مطالعه سندن اكلاشلايدنى اوزره معترض من بور
لازارك دعوت واقعه يه اجابت ايتامسى اوزرينه
اولبايدهكى اعتراض على الحكم عرضحالك ردينه
قرار و برلش ايسده عندالتميز مستدعى من بورك
وظيفه حقنده سرد ايتكمده اولدينى اعتراضك
شايان قبول اولديغتك اكلاشلمسى اعلام غيا -
بينك عينا و ياخود خلاصه تميز اولسان اعلامه
درج و املا سمنه متوقف اولدينى حالده اعلام

افندى يوم معينده دائريه گلش ايسده مدعى عليها
مرفتهده ساكن استرغاكي باجا قزى الى قادين
كلامش اولديغندن يالكز وكيل موسى اليهك
ايضاحات شفاهيه سيله باش مدعى عمومى معا -
ونلرندن سعادتلو بورغاكي افنديك مطالعه سى
استماع قلندقدن صكره تدقيقات تميزيه اجراسنه
ابتدار اولندى .

اعلام مذكورك خلاصه مالى مذكور بلديه
دائره سى ايله من بوره الى قادين بيننده متكون
عرصه دعواسنه دائر مرفته بدايت محكمه سندن
ويريلان اعلام حكمه دائره مذكوره وكيلي
صالح افندى عدم قضاعله اقامه ايلديكى استيناف
دعواصنك اثنائى محاكمه سنده مستأنف عليها
الى قادين وكيلي استيناف عرضحاله ربط ايديلان
كفالت سندنك موقع رسميدن مصدق بولنديغتك
عرضحال مذكوره درجى اصول محاكمه
حقوقيه قانوننك يوز سكسان التيجى ماده سى
اقتضاسندن اولدينى حالده درج ونمى ايدلماش
اولسى حسييله مذكور استيناف استداسنك
ردىنى مدافعة طلب وادعا ايتامسى والواقع عرضحالى
مذكور شرائط استينافيه يى غير جامع واستيناف
مدتك مرورى دخى اكال نقصان واقع اولدينى

غياينك عينا و ياخلاصه درج ونمى قلنامسى
يولسز ومغار اصول وقانون بولنديغنه مبنى اصول
محاكمه حقوقيه قانوننك ايكي يوز قرق برنجى
ماده سى موجبنجه اعلام مذكورك نقضيله قانون
من بورك ايكي يوز قرق دردنچى ماده سى حكمه
توفيقاً كيفيتك يكيدين اعلامه ربطى ضمننده
محكمه مذكوره يه اعاده سنه وزيرده مفرداتى مرقم
درت يوز طقوز بيق غروش مصارف تميزيه نك
ايلروده حقسنر چيقه جق طرفه رجوع ايتكم
اوزره اول امرده مستدعى من بور لازاردن
التمسسه ۲۰ نيسان سنه ۳۱۰ تاريخنده منفقاً
قرار ويريله رك تفهيم قلندى .

كليولى سمنجاغى بدايت محكمه سندن ۷
نشرين اول سنه ۳۰۹ تاريخى واون ايكي عددى
ايله استينافاً صادر اولان اعلامك تميزيى استدا
ايدن مرفته قضاسى بلديه رئيسى وكيلي اطناش

اعلان

متوفی عمر افندی ورثه سنك تبعه دولت
عليه نك روم ملتی نسوانندن حرقليه ذمتده قسمت
عسكری محكمه شرعيه سندن ويريلان بر قطعه
مقتضا اعلامی موجبنجه الاجقلى اولان مبالغ
معلومه نك تأمین استيفاسی ضمتده مرهون و
فروختی محكوم بولنان استانبولده يكي قبو قربنده
کاتب قاسم محله سنده واقع قرق بر نومرو ايله
مرقم برباب وقف طاشجي دکانی دروننده موجود
کدک نصف حصه شایعه سی بوندن مقدم
مزایده به قونیله رق ایرای عثمانی یوزغروشدن
ایکیک بشیوز الی غروش بدل ايله طالی
اوزرنده تقرر ایتش اولدیغندن یوزده بش ضعیله
بوندن دها زیاده به طالب اولنلرک اشبو تاریخ
اعلانندن اعتباراً اوتوز بر کون ظرفنده در سعادت
اعلامات شرعيه اجرا دأره سنه مراجعت
ایلملری .

فی ۸ تموز سنه ۳۱۳

(مطبعة حاصره ده طبع اولمشدر)

جهتله ذکر اولنان استیناف عرضحالینک ردینه
حکمدن ومستدعی تمیز بلدیة دائره سی وکیلی
اطناش افندی نك اشبو حکم علیه نده کی اعتراضاتنک
خلاصه سی بلدیة دائره سی رئیس منازع فیه اولان
کفالت سندینی بالذات دائره نامه تختم ایتدیکنندن
بونک مقاولات محرر لکنندن تصدیقنه لزوم قانونی
یونیکن استیناف محكمه سنجه بورانک نظراعتباره
آلتمسرن خود بخود رد استدعا به قرار ویرلمی
یولسز و مقایر قانون اولدیغندن بمثلله اعلامک
نقضی استدعاسندن ومدعی علیها الی قادی نك
لایحه سنده مندرج نتیجه اجوبه سی دخی اعترا -
ضات مسروده نك واهی و بی اساس اولدینی
بیانیله ردی و موافق اصول وقانون اولان اعلامک
تصدیقی طلبندن ومعاون مومی الیهک مطالعه -
ایسه تقایص موجوده نهدن عبارت اولدینی
کوسترلمدی کی مدت استینافیه نك فصل مثبت
اولدینی ایضاح اولنماش اولسنه مبنی اعتراضات
وقعه نك موافق قانون اولدینی بیانندن عبارت
بولمشدر .

مابعدی وار